

第〇七八冊

方輿彙編

職方典

濟南府部

（卷）
191—100

古今圖書集成

中華書局影印

欽定古今圖書集成方輿彙編職方典

第一百九十一卷目錄

濟南府部彙考三

濟南府山川考二



職方典第一百九十一卷

濟南府部彙考三

濟南府山川考二

鄒平縣

府州縣志合載

長白山 跨連四縣之界東北屬長山北屬鄒

平西南屬章丘東南屬淄川此山以北平曠無

際直達燕京長白諸峰羅列插雲故自北方來

者於三百里外望見之焉名勝志引抱朴子云

長白泰山之副嶽繡江發源於此西陽雜俎云

古肅然山也按史稱漢武帝元封元年四月乙

卯封泰山丙辰禪泰山下趾東南肅然山今長

白去泰山東北三百里非一日可至金史云肅

然山在萊蕪明非長白矣又繡江源出章丘百

脉泉在長白南遠甚齊乘曰太平御覽云長白

山者因此山雲氣常白故名之元和志云長白

山高二千九百丈周六十里今按此山東西徑

六十里南北半之

會仙山 縣西南一十五里長白迤北之高峰

也其勢巖巖拔秀形若覆敦舊傳歲三月三日
爲清明節則羣仙來集仙燈夜見土人云每歲
二三月之際天氣寒栗風起霧合此夜定有仙
燈不必清明節也上有玉皇閣有金母祠轉而
南下有宣風洞或云旋風或云先鋒登山之總
路也上有書堂范文正公亦曾讀書於此范公
泉泉水噴下四時不涸其側爲貓頭峰前爲狻
猊峰皆以形似得名南向東轉崇巒屏列其陰
爲羅圈峪最爲險峻土人避兵處

摩訶頂 在會仙山東南長白之最高峰也上
有塔有禪院其陽爲三山峪屬章丘縣其東爲
回路峪齊乘名葫蘆峪沙河出焉屬長山縣

大峪山 自羅圈峪委折而東有起壑峪種金
頂劈尖頂水尖頂桃花峪皆土人命名此長白

之南嶂也北嶂則自會仙以東爲老人峯俗名
黃姑山又東爲銀砦峯當縣治正南十三里又

名印臺山兩嶂之間謂之大峪峪有二十四村
良田滋焉甘泉出焉佳樹所生百果時熟

象山 在劈頂尖北

松山 在象山北有峪勝庵原名柳家庵明崇
禎中僧圓湖創修四廟皆山澗水環流北與書

堂上下達對黃谷庵生庵皆大峪之勝概也
石戶頂 在會仙山北兩峰巖巖對峙澗崖滴

水不絕名滴水崖北峰尤險峻可以避兵
玩湖頂 山頂可西望湖光故名或云萬戶頂

上可容萬戶也

九龍山 縣西十五里長白枝脈北出蜿蜒如

龍頂道經其上第五六峰之間爲搭山道步蹇
騎可陟第六七峰之間爲亞婦口或稱陰阜口
車輻之所由也

贊堂嶺 亦曰贊山在章丘東三十里鄒平西
南三十三里嶺北有范公讀書堂有范公祠有

醴泉寺山之麓有靈泉

鳳凰山 縣西南曰井五里醴泉寺西峯巒起
伏勢如翔舞東有賜鶴峪西有迴峪有翔鳳庵

黃山 縣東南三里狀如伏虎上有虎頭岳山
半爲翠微亭山之麓爲遐景亭元大德中處士

安仁甫所卜築也山陰爲兔柴明張文定公延
登創闢

于茲山 縣東南十里三峰列秀當大峪之口
舊有于茲仙翁祠今廢

富相山 一名賀家山在縣西南五里有乳泉
景相公山 縣西南三里山培塿耳以下有景

範墓得名

宿山 縣西十里圓峰孤立道側九龍山繞其
西俗謂之九龍戲珠下有古店行旅止宿故名

白雲山 城南三十里高五里遂自摩訶連下
數峰或曲如屏或直如展層折東去遙蔽縣城

上婁山 下婁山 由轉角堆入大峪迤西沿
谿上下崖深壁削境頗幽絕爲大峪中佳處故

多游展

黃花山 醴泉寺北二里地勢紆迴山藏谷中
有庵

山隱張華東題者

盤河峪 會仙山南懸崖峭壁澗水縈流草樹蒙密中有小庵景最幽寂邑紳成公題爲小桃源

軟東峪 黃山東北張華東記所謂大壺者下成深壑中土洞二人所鑿避兵處甲申之亂邑諸生孫鍾瑞等率郭民復鑿數洞避數千人軟東蓋俗名焉

緒果洞 與富相山南北相對僧名緒果鑿崖土爲之中有層曲冬溫夏涼前臨巨壑陰以高樹靜山成公嘗讀書其中一名玉泉洞有泉甘冽可以淪茗舊誌誤爲徐郭洞謂二姓民鑿效古穴處者非是

迢然洞 黃山華東張公鑿石疏土爲之中有白兔公像

清和洞 邑紳成宅隅碑石疊成宜夏宜冬多味之者

嘯崖 柳家庵道左右壁百尺高峰敝虧古木翠蘿垂陰其下東臨大溪迴環清絕文學張毓鼎攜尊坐嘯其下是以名焉

擬嵐巖 玩湖頂之陰魯家泉西隱士成公築樓巖下自號參寥子

沙河 齊乘謂之蒙水源出大峪經縣西又北十二里注於賴河

白條溝河 卽魚子溝水經注云灤水至棠鄉東南與魚子溝水合水南出長白山東柳泉口卽陳仲子夫妻之所隱也北流注於灤水今還

縣東北去縣二十里注於賴河齊乘云蒙水俗名沙河出長白山之葫蘆峪水經謂之魚子溝以爲一水今按沙河逕縣之西魚子溝水逕縣之東實二水也

潯山溪 邑人呼爲泊縣西十五里九龍山之西周迴二十餘里接章丘境往年爲潯水遇旱則涸可以藝麥自小清河淤塞賴水流逕其中汪洋千頃魚藕產焉今清河復開賴水盡由小清河故道又化爲良田

賴河 源出長白南過章丘東入縣境逕西北沙河注之東北白條河注之又東北入長山界一名楊緒

小清河 在縣北十三里卽縣北通流之賴河醴泉 在贊堂嶺北麓有范公祠有醴泉寺昔范文正公讀書處

范公泉 在會仙山南麓昔范文正公亦嘗讀書於此去山頂三里巨石環抱泉涓涓出巖下承以石井

靈泉 在縣西南二十里其水甘冷

乳泉 在縣西南五里富相山下泉色白可釀酒

聖水泉 在縣西十五里遇旱取水祈禱有應柿泉 縣東南三里黃山張氏兔柴左巨石下魯泉 縣西十里玩湖頂之陰晶然一掬後人斃石於上遂成井

坎泉 黃山虎頭巖下泰山行宮山門右石壁如削木陰森然可與吳門虎阜憩憩泉埒惜其

雨則盈旱則涸也

滴泉 由白雲山石磴升五里將至頂南折懸巖間有石洞泉出懸石中涓滴不絕仰面嘗之甘冽無比

甜水井 眞如寺西南隅城中諸井皆鹹此水獨甘

瀑布泉 摩訶頂半程有石名閻王鼻其上亂石中瓊泉飛下望如噴雪

瀦川縣 白雲山 縣西北五十里原名玉皇頂上有玉皇宮有元君祠西與摩訶頂相望爲長白兩高峰脩視會仙山遙見泰岱於衆山之外以山脊爲界南屬瀦川山半有泉有張先生書院元張臨教授處也有青山雪山諸峰北屬長山爲天井峪壁石龕曰明洞泉覆洞門注下曰天井泉其西北曰豁坂有御甲洞

玉清山 長白之南嶂也青嶂泉出其陽

柱子山 在長白山之東南孤峰如柱

鳳凰山 在長白山東前峰孤峭左右張拱後峯翹伏宛如飛鳥其陽有新城王象春季木問山亭故址其陰則長山境也

梓桐山 齊乘曰在般陽府東十餘里後有石壘圖洞古老相傳鬼谷子隱居名鬼谷洞澗水燕談云處士王樵隱此山中今祀樵於此南接

黃山天將雨此山必鳴如擊鼓聲居民屢驗之

黃山 縣東北十二里山上有碧霞元君廟山半有漢儒鄭康成祠祠後有樓爲邑景之一

磨山 齊乘曰梓桐東曰吉磨山出磨石有石磔井

浮山 在磨山南俗名唐家山舊有浮山驛

狼山 一名丘山縣東北十五里或云高齊以貝丘名縣蓋取諸此

摘星山 縣東南三十里山最高故名

萬山 縣南三十里以羣山環繞故名其陰有金地院

大堆山 縣南二十五里或作大圭山又曰奎山山上往往拾有海螺峭壁間有大鐵環故老相傳為洪水時繫船處

笠山 縣南十里其形如笠

崑崙山 縣西南二十里如列屏然

三台山 縣西南二十五里三峰鼎立俗名支銅山

甲山 縣西南四十里水經注萌水出般陽西南甲山即此亦曰夾山上為夾谷壘相傳為齊魯會盟處

煥山 縣西十五里有山市邑人多見之者城閣樓臺宮室樹木人物之狀類海市云

禹王山 縣南十里有廟

芭山 縣西南二十五里

伏山 縣西四十里自泥河經其陽伏流里餘故名

萌山 縣西北二十五里萌水經其趾

冲山 縣西三十里

龍舟山 在冲山西魏書地形志土鼓縣注有

龍舟山儒山是也上有虎頭石北有塔今人呼為塔山其山東西狹而南北長故以舟名

儒山 在龍舟山西南山後有洞昔人多讀書其中

豹山 縣西五十里故碑曰龜山山巔多巨石廟建其上

瑚山 縣西南三十里

原山 又名岳陽山去縣東南七十里益都縣境內瀋水出其陰舊志云孝婦懷德極南地也縣之命名以此從其望也今二鄉雖割入益都而縣名如舊故得載焉舊志岳陽山在萊蕪縣界今改正

月山 縣西南五十里舊名馬鞍山

箕山 其形如箕縣西北三十里

無影山 縣北仙洲莊之西南北長三里遠望不見故名

荆山 縣西北三十里

雙山 縣西北二十里積沙不生諸草

寶家山 縣西北二十里

東山 邑人遙望之總名也縣東十二里入谷有鴉鵲狼虎諸崖兔峪槐峪黃綠嶺擦石坡豆腐臺每秋雨後兔峪輒出一泉水勢湍急至馬家莊南入般水其山南北盡縣之境正東轉折二十餘里至諸葛崖始屬益都縣中有恨虎崖邑生宋遂曰俗名誤也本名擒虎崖子始祖鳴鐘者兄弟七人會擒虎於此因名為擒之

分水嶺 城東門內

長安嶺 又名眉陵寶家山之東上有瓊樓公主墳故蹟

斷金砦 縣西南五十餘里高出衆山上四面皆削壁遠望如枕形俗名仙人枕若後山腰有泉土人避兵處也其西曰小砦高與斷金砦埒其北為遊奕嶺又北為仙人脚有足跡在石巖之半

團峰頂 縣西南六十里接章丘界山形團圓如蓋林木秀美上有巨泉直注山下北又有桃花泉其東巖有洞為土人避兵處

雲高洞 縣東南二十五里下有大壑俗呼為雲壑裏

蒼龍峽 縣東南三十里群山之中石壁劃然中斷上狹下廣每雨漲山濤截峽而下峽內有巨潭俗傳龍蟠于中旁為龍屏龍埠按萊蕪縣亦有蒼龍峽乃異地而同名者

放生磯 縣西北里許孝河西岸石坡陀如虎阜邑人放生于此立碑禁捕魚者

青蘿洞 縣北三里溝南岸高司寇府所鑿也幽邃清涼夏可忘暑

洞子溝 縣東二十五里河東莊東北兩崖相對鐵色壁立南北崖各有洞鳥道紆折捫蘿附壁而上中為澗壑流水自東西注東畔巨石平鋪方廣數十畝水底取石亦堪為硯然非顏山庵上村之物未可概以瀕硯名也

趙斷溝 去費山東南六里四壁如削東南巖下一泉近民賴之北壁之半有洞深不可測

孝婦河 卽隴水也水經注作龍水寰宇記云古名孝水出益都縣顏神鎮孝婦祠下北逕縣城西南般水右注之又北至長山縣界萌水左注之又北逕長山縣西北逕鄒平縣界東北逕新城高苑界入麻大泊至博興南匯時水與小清河合流入海

般水 齊乘云亦名左阜水出縣東南龍山龍灣洞俗名頭河今村名魚頭河西北流逕縣城南西北流會孝婦河自城東南二里藥廟約流別分一支北注由東門外至北郭折而西環城北亦入孝婦河淄川舊名般陽水經注曰般陽縣在般水之陽也

萌水 俗訛明水源出甲山流曰范陽河東北逕萌山西瀧水左注之又東北至長山縣界入孝婦河

瀧水 源出冲山南東北流會白泥河又東北入萌水

德會水 俗名豐水源出縣東北三十五里名泉合頭源可三畝餘諸泉迸發如珠串流曰猪龍河北逕長山縣界曰鄭黃溝又北逕新城縣東二里系河左注之又北入錦秋湖漢書地理志曰德會水出昌國西北至西安入如水水經注曰德會水出昌國縣黃山西北相璠謂時水上源出般陽顏師古謂時水出般陽皆指此今考德會水至博興南始與時水合

溜水 出原山之陰所謂瀰淄其道者也
白泥河 源出長白山之陽卽青嶂石泉也俗

名青冢南流爲響水灣上有巨石平鋪周可百步水懸瀉而下澎湃有聲又南萬安溪泌水泉會之土人呼爲三岔河東南流逕鍾陽七河過冶頭東北流會瀧水入萌水泌水泉在西鋪莊之北畢大司農會闢園于此刻石識名焉今廢萬安溪在玉清山下

三里溝河 源出城東黃姑庵東經聖水溝泉西入孝水

五里河 源出城東北嶺山東南流至瀑水灣水行石上石忽陷下丈餘西去爲壑水懸流而下若簾多月結作冰柱入崖下石甕中向外望之壑澈沁心目又西爲五里橋高贈公柳溪之所築也又西入孝水

瀧水河 舊名煖水縣東北二十里

漫酒河 源出東南山中自旦村西折由南定莊南至董家莊西會瀧水西北流至唐家山西流入孝水

藍泉 縣東南半里俗名雙井相去僅尺許其色一藍一綠其味一苦一甘

滴水泉 一名晴雨泉縣西二十八里石穹隆如屋若結如龍首泉自結若懸瀉而下石池承之流入桐壑爲溪

湧泉 縣南十五里龍口村北水出南崖中平湧數尺始瀉至地乃折而西入般水近泉處土人呼爲溫涼河云冬則東溫西涼夏則東涼西溫蓋河行遠因天時泉注近資地氣理固然也
清嶂泉 縣西五十里玉清山之陽石麓渾淪

方員半畝中有小池若盆盎然泉出其中汲者以瓢引之引之卽竭尚未注也視之盈矣東南流曰白泥河逕響水灣

甘泉 縣西南三十里冲山之陽卽瀧水源也池子頭泉 縣西北三十里源出平地匯爲巨池

聖水泉 縣東七里禱雨有應西流爲三里溝河入孝水

龍王泉 縣東北十里西北流入孝水
殷家泉 縣西二十里冲山北麓舊有殷生修煉于此石砌成治方塘如鏡東流入白泥河
硫黃泉 縣西南三十里泉底如墨炎氣甚酷烈酌而飲之味殊甘滑

百杪泉 縣西南四十里泉出高崖林樹間下注爲溪邑人唐檢討夢賁取山中一夜雨樹杪百重泉之句以名之

三台泉 在三台山南下曰安子泉山東曰馬蹄泉山北曰龍潭泉又北曰大錫泉俱入萌水
煖水泉 在嶺山東麓北流曰煖水河又北匯東南山澗諸水曰漫酒河西入孝水

龍泉 縣西北五十里長白山之陽泉涌爲塘種荷畜魚北巖有龍泉寺俗名燕窩寺合山南諸谷之水東南流至伏山東注白泥河

桃花泉 在縣西南六十里羣山之中卽以名村泉在村西北巖下曲流出山入獵水

柳泉 黃姑庵南石橋下
槩水泉 聖水泉東二孔並出如漿

鸚哥泉 贊山西麓西北流會後洞泉水並入

孝水

雙溝泉 雙溝東嶺下西北流折會羊欄莊山

泉經王大同墓前流歸孝河

抱鹿泉 縣東十里車家莊東南西北流經馬家

莊入般水

杜坡泉 縣東八里杜坡莊東北流入聖水溝

杜坡一名埠坡

樂店泉 縣東二十五里樂店南橋東西流入

趙斷溝渠呼作逆

白雲泉 縣西北十里煥山東北麓

雷泉 丘山下

窩裏泉 縣西北三十里窩裏莊泉二一韓氏

園內一莊南山洞中流入萌水

柳泉 縣北十五里雙衣鋪西泉出路旁深一

二尺甃為池淳泓澄潔上建石廟旁植高柳可

飲可憩鋪東南崖畔亦有泉曰孫家泉清湛流

注入范陽河

博濟泉 俗名五股泉煥山西泉出路傍行人

利之

老鴉山溝泉 煥山北

王家莊泉 煥山西石棚下

埠頂泉 煥山南流入博濟泉

菜園溝泉 煥山南麓流入范河

安莊泉 西安莊北道側

戴家泉 縣北二十五里

毛家泉 縣西北毛家莊東數泉出茂林中雨

後南流為豬頭灣河有數泉出南石崖下折而

東南姚家莊泉會之南出伏山間東入白泥河

栗泉 縣西四十五里栗家莊南平地皆泉南

流入白泥河里文學盛育築屋濬池種樹栽蓮

雜植稻梗菱芡蒲蘆之屬林塘有江左風概

雙水泉 縣西南六十餘里泉西為章丘縣界

自山崖下注成溪

孟良泉 夾谷山南黃石屋村側孟良砦下

袁家莊泉 夾谷東麓相連有虎跑泉甜水泉

柳溝泉 夾谷東北朔山下清涼寺中又東徐

家莊北曰石灣泉其村曰泉千店又李家莊曰

王母泉

涼水泉 朔山北麓下有北山泉同歸龍泉澗

上流泉 出朔山東北尚莊又出殷柳莊者曰

殷柳泉皆明水上源也

羅圈泉 夾谷山大峪口東爬山莊北又山北

焦莊石渠泉泉側五畝園谷靜林深邑南鄙佳

處

公家泉 縣南二十五里白塔莊側泉出董家

溝又焦莊北二泉曰橋泉仰泉云

醴山泉 縣西南二十五里輞溪莊東又胡家

泉輞溪俗呼王嫌

飲龍泉 縣西南二十五里宋家坊

阿石泉 縣西三十里冲山巔北面巨石槎枒

泉出高源澑澑有聲流而成溪山東西蓋有二

泉云

西窩莊泉 縣南二十里海眼莊西山洞中東

流會孝水

南泉 縣南八里泉出蘇王莊又呼週輞莊以

泉在莊南呼為南泉云淵深澄澈匯為巨池周

圍甃石方廣畝許每夏秋雨漲禹王山澗壑諸

水俱奔注泉中東流入孝河龍神孫相國作亭

其上今廢

滿井 縣東八里水自溢出亭茶最勝

路途井 縣西南四十里北山曰盤山南曰九

級惟一徑可通井出其中焉

聖水井 磨山之巔久旱不涸

蒼龍灣 在蒼龍峽俗傳龍蟠于中遇旱禱雨

輒應入般水

長山縣

米山 縣南三十里古傳齊桓公于此積土為

虛糧墩故名

臥牛山 縣東六十里以形似名

太湖山 在長白山南上有石室並敗漆船古

蹟

長白山 在縣西南三十里

詳見縣志

泔河 源出長白山之東南諸麓東北流米山

衆水注焉又東北流至縣城南入孝婦河

猪龍河 源出長白山之東北諸麓流入小清

河

系河 在縣北二十里西與孝婦河接尋常無

水每遇雨潦孝婦河不能容東溢而入此經新

城縣南又名吳河舊傳為齊之運河然不可考

乾溝河 源出長白山至城西南入孝婦河

孝婦河 源出孝感泉至縣繞城而西

小清河 源出趵突泉至縣西北三十里與孝婦合

鄭黃溝

在縣東三十五里源出淄川湯豐泉

經縣境入新城烏河成化中知縣趙潔嘗濬此溝以紓水患

米溝 縣南二十里即米山之溝

天井泉 縣西南三十里長白山之陰天井峪

壁有明洞泉覆洞門注下

古泉 縣南二十里舊有古泉驛

新城縣

馬公山 縣東南四十里山下趾周一里許不生草木各一畝石上有泉欲雨則雲氣鬱然

羅山 縣東南五十里馬公山東南

四角山 在馬公山東南元史作四脚山俗謠為四寶山

鐵山 在四角山東一名商山跨新城益都臨

淄三縣界崔球述征賦涉淄水過桓都登鐵山

望齊密是也南燕慕容德立治於商山元史合

刺普華於四脚山下置廣興商山二冶山側有

蓮花洞修道者多居其中又有平安洞土人避

兵於此

吳公山 縣東南五十里舊傳仙人吳公脩道之處

花山 縣東南四十五里上有玉皇宮川谷穠

錯遠望如茵蒼然上有一畝石天將雨時雲氣

生焉

桃花嶺 東北十二里

烏河 即時水齊乘云通志略曰一名彰左傳

襄公三年齊晉盟於彰是也其源較淺多涸竭

又名乾時莊公九年公與齊侯戰于乾時是也

水經注曰時水出齊城西南二十五里平地出

泉即如水也亦謂之源水水黑包又名黑水今

按時水源出益都縣西北五十里矮槐村北土

人名曰烏河北流還縣東三十里索鎮口又北

至博興南地名灣頭與孝婦河小清河匯

小清河 濟水之支而東行者詳見前

梧河 在南關外

澇淄河 源出鐵山逕縣東南至索鎮口入烏

河

孝婦河 出益都孝婦祠下北至城西又北入

小清

白石溝 自縣東南至三岔溝與吳河鄭黃溝

合俗傳為韓信所開無考

馬路泊 又名錦秋湖俗名官湖即魚龍灣在

縣東北三十里烏河逕其東北孝婦河德會水

西南來俱匯于此周迴五六十里蒲葦叢生芙

蕖如錦為新城高苑博興三縣之地溢而北流

至博興南入烏河

青沙泊 縣西北二十五里有界石南屬新

城北屬高苑

龐家湖 在錦秋湖西舊傳龐居士沉金處

會城湖 俗曰泊水經濟水又東北迤為瀟渚

謂之平州注云涇沃側有平安縣故城俗謂之

會城非也按地理志千乘郡有平安縣侯國也

王莽曰鴻睦應劭曰博昌縣西南三十里有安

平亭故縣也世尚存平州之名矣齊乘引之曰

平州沉今注無此文縣人王考功象春遊記云

水經謂此城為古平州春秋宣元年公會齊侯

于平州是也又云牟莊東北有古城拍浮水面

漢封李譚之延鄉城也按水經注千乘在時水

東有延鄉城世謂之從城野溝水出此西北入

時水漢元帝封李譚延鄉侯俗又云會城在時

水東

雙連泉 在縣鐵山嶺兩泉相連擊此則彼動

擊彼則此動故名

青沙堤 舊築以捍小清河之水長三百六十

四步闊七步高四尺嘉靖十三年臺使者委濟

南府同知邵相重修別有護莊堤知縣趙文炳

築知縣馬負圖重修治堤植柳數千株

千家堤 鄭潢上流泛溢則城東為壑故作堤

捍之在縣東十八里舊誌云往者邑殷富自知

縣王秉彝分鄭潢東入時而民日以貧

金剛堰 在錦秋湖水中知縣趙文炳立石以

分新城高博之界在清涼臺北

呂家埠 縣東北十八里土人築以禦鄭潢下

流

魚龍灣 在錦秋湖中水漩渦不定傳為龍窟

石關 知縣趙文炳所鑿欲通龍潭二水西達

濟南今沒於水在魚龍灣南

齊河縣

長嶺 在縣東南盤旋逶迤宛若環維之狀

玉符河 源出朗公谷逕齊河縣大清橋北合

大清河北流入海自泰山北溪壑諸水皆匯此

水經云濟水又東北右會玉水注曰水源導朗

公谷舊名現瑞溪有沙門竺僧朗少事佛圖澄

隱于此谷因名朗公谷其水西北流逕玉符山

又曰玉水又西北逕獵山東又西北枕祝阿縣

故城東又西北至郭家岸即今之開河店入大

清河

趙牛河 舊名利民河逕縣西二十里西南至

長清連楊堤西北至禹城界長百餘里地勢窪

下夏秋水溢洿沒禾稼明弘治十七年知縣趙

清縣丞牛文增掘此河至今賴之故名趙牛河

大清河 在縣城東半里即神禹所疏濟水故

道也據今水自漁山出而其實非源之所自始

也按河源出河南懷慶府濟源縣王屋山在

縣西百里有黑龍洞洞前有太乙泉是為沈

水潛行地下至共山南復出於東丘濟源縣有

故原城東北有東丘城也水有二源東源出原

城東北西源出原城西皆平地周圍各七百餘

步逕原城東北合流為濟水東至溫城西北與

故瀆分為二其一為南濟歷鞏縣逕成阜過棗

陽濟黃河而南矣其北濟故瀆自溫城西北東

故陽武縣故城北逕延津縣界東過封丘縣北

及故宋地濟陽縣北或伏或見東出於山東定

陶縣之陶丘北東逕曹縣地入鉅野澤東北逕

壽張縣西界安民亭南東合汶水水東臨東平

州故無鹽縣界郡志云大清河又北至棘城西

矣至是大清之名始見亦謂之鹽河以其為濟

南鹽運南北河道也北逕漁山東即吾山漢武

帝瓚子歌所云吾山平者在東阿縣西八里東

北逕清亭東北逕平陰縣城西又北過防門逕

什城北祝阿人孫什將家居之以避時難者又

東北逕盧縣故城北與中川水合長清縣南沙

河也北至齊河縣南界張村集又合長清北沙

河東北流凡河東南岸皆長清地西北岸皆齊

河地至齊河城南逕城東過大清橋北百餘步

右合玉符水又東北灤水注之濟南諸泉于府

北合流北注于濟謂之濊口也東逕華不注山

北東北至濟陽縣逕城南城東東北逕齊東縣

城北東北至利津縣逕城東東北至淀河又東

北至淀臺入海

溫聰河 在縣西北二十五里滕官屯西其河

因劉洪坡秋水泛溢洿沒禾稼鄉民溫聰告准

修河以洩劉洪水勢時謂溫聰河

倪倫河 在縣北二十五里晏城南其河因楊

家坡秋水大注洿沒禾稼鄉民倪倫告准修河

以洩楊家坡水勢時謂倪倫河有古碑在縣西

八里莊

徒駭河 在縣北八十里即禹疏九河之一東

北入于海

刁強河 在節婦鄉二圖離縣四十里

丁聰河 在孫耿鎮南

齊東縣

壩水河 明成化十一年知縣李寬開濬用洩

歸蘇鎮禾稼之水南引章丘之白雲湖由新莊

入縣境紆迴二十五里至延安鎮西入大清河

減水河 即陳愷溝成化元年開濬西南引章

丘之白雲湖經小清河至管家莊入縣境紆迴

四十里入大清河

大清河 在縣治北一里即濟水故道也由充

之柳溝泉經長清齊河歷城濟陽等縣紆迴可

百里許至蒲臺縣境歸海

禦寇河 在縣治西南三里明正德六年山東

流賊發巡按御史張濬詣河所畫封界命知縣

武寬開濬防禦南通減水河北通大清河蜿蜒

二里許今存其蹟俗名乾河

德異泉 在縣儒學明倫堂左

聖惠井 在縣延安鎮

濟陽縣

大清河 在縣南門外東抵于海有魚鹽之利

土河 在縣西北三十里其水西自禹城東至

陽武屯水長則浩漫無際或曰即古夾馬河

枯河 在縣東二十五里舊本清河灣曲之處

元以漕運嫌其水曲故徑開之舟行得便故有

枯河之名

禹城縣

濕河 縣西二里有河相傳以為濕河

熙河 自高唐東南三十里東北入禹城即古

屯氏河也按漢武帝既塞宣防後河復北決於

館陶分爲屯氏河東北入海廣深與大河等元光五年河決清河靈鳴犢口而屯氏河絕

鬲津河 卽西河俗謂之鬲津河故西城門卽題曰鬲津門西石橋卽曰鬲津橋按鬲津乃九

河之一也史記河渠書北載之高地過澤水至於大陸播爲九河同爲逆河入于渤海考九河

故道鬲津河自齊河縣經禹城平原德州德平平陵東北至海豐入海漢書溝洫志九河之名

有徒駭胡蘇鬲津鬲津又在平城東光鬲界中自鬲以北至徒駭間相去二百餘里顏師古曰

鬲津言其順小可鬲以爲津而渡也鬲與隔同又按羣縣志鬲平當以爲鬲津王莽曰河平亭

在濟南府德州城東一百六十里又按東坡地理指掌圖漢許商之言考之徒駭最北鬲津最

南差徒駭是河之本道東出分爲分齊小白塞之爲一今河間弓高以東至平原鬲津往往有

其遺處蓋塞其八枝並使歸於徒駭也

霍家井 在縣治北

管家井 在王城餘井多鹹俱不載

南龍灣 在城南龍王堂

北龍灣 在城北朱家莊
臥龍灣 在安仁店其下有泉春冬不涸
臨邑縣無山

道沈水東流爲濟周官職方氏其川曰河濟風俗通濟水出常山房子贊皇山東入沮浮沈達濟水經濟水又北過臨邑東澤水又東北逕潔陰縣故城

河水 北流逕往平縣東臨邑縣故城西北北瓠河 東北過縣西

鉤盤 自德州經臨邑德平尋陽信入海馬頰 北過臨邑盧城蒲臺鄒平樂安諸縣界

入海九河支流散漫非一處云

徒駭 由齊河縣經下口至城東南二十五里俗呼土河

小清河 一名青陽河城南四十里自禹城漸入于海

舊黃河 自濟河南接于梁山北過臨邑縣西南四里曰大土河

沙溝河 城南三十里

小洪河 城南四十五里

上口 俱城南四十里

下口 俱城南四十里

趙遊河 宋運道卽下口
九龍口 城西二十五里
黑水灣 下口東
婁家溝 下口北
長清縣
石虎山 在縣東南半里許昔人晨興見虎游巖畔獵人隨之乃石也遂名
臘山 在縣東北四十里昔漢耿弇率兵圍臘

此山得禽甚多俗呼爲獵山後人誤以獵爲臘焉

青崖山 在縣東南四十里崖谷常青金末嚴實嘗挈家避兵於此

五峰山 在青崖山右岡巒綿亘上有五峰錯列峪內爲洞真觀峰頂爲三元祠明萬曆中重修與泰岱靈巖並稱三山云左阜有泉甘冽無比

磧滑山 一名磧金山在縣南三里有眞像院碑記云宋政和三年西城譚經三藏普鑿井以惠渴者於石龕中發得金銅佛故名

隔馬山 在縣東南六十里左傳晉伐齊齊侯禦諸平陰齊師夜遁風沙衛殿殖綽郭最曰子殿齊師國之辱也子姑先乎乃代之殿衛恨二子遂殺馬于隘以塞道欲使晉師得之故名隔馬山山東北曰神林有隔馬神祠水經注作格馬山

方山 在縣東南九十里四面方正故名齊乘曰卽水經玉符山也上有六泉曰黃龍甘露獨孤雙鶴卓錫石龜下有靈巖寺

鷄鳴山 在縣東八十里靈巖寺西山口山上一臺高聳常夜間有鷄聲故名

明孔山 在靈巖山中有石孔南北相通

獨秀山 在隔馬峰東北羣山踴伏此山亭亭獨秀

通明山 在縣東南六十里舊名屏風山其峭壁中有二石孔日光東西明透御史郭嘉易以

今名

滾栗山 在縣南二十里山北石崖皆絢然五色厓下溪流環抱以山勢陡峻不容一票故名

朗公山 在縣東南九十里一名朗公谷鄴道元曰秦符堅時有沙門竺僧朗與隱士張巨和居此

馬鞍山 在縣東八里許山形如馬鞍者二故名

雙陸山 在縣南四十里當孔道東西兩相峙

雷山 在邑南大路西弘治中有道人趙天雷在此山祈禱日久不雨邑令憾之天雷喚童子至前掌中書一雷字令之下山霹靂自手中發大雨如澍天雷不知所在故名今遺有風雷雨三碑在旱禱輒應

南黃山 在縣治東南一百里遠望翠巒巒岿高出羣峰此蓋泰山餘脈與梁父徂徠并峙者

峒山 在縣治東南三十里翠柏盈巖中隱玉皇宮多有騷人題咏

柏山 在縣東二十里黃山店南有梵宇在上草木蒼葱松柏蒼翠土人多讀書其中

張山 去縣五十里在張夏店北土人相傳昔有張翁結廬山上賣藥自給不畏山蟲野獸後不知所往遂呼為張山焉

太子山 在縣東七里嶺有古洞狹隘義民孫光祖觀之捐力鑿闕內飾帝君景像焚祀曰文昌洞

雲敬洞 在縣東南六十里其山自東南縣互而下其洞東南委曲相穿通相傳內有雲敬范蠡張良石像又有仙奕石杵存焉

魯般洞 在靈巖寺內岡阜隆隆下有石室不炬不可行內有東西二石門相對禁不敢啓

南沙河 發源七仙嶺下經青厓山南滾栗山北西流經縣南二十里入大清河

北沙河 經縣北三里入大清河

豐齊河 自泰山北下柳塢都泉諸溪水會而為流經中官渴馬厓又經縣東北三十里至郭家界入大清河

大清河 卽濟水故道自章陽界西南流至汶上北四汶村東北經長清齊河等處入海

甘露泉 在靈巖東北觀音殿內味至甘刻自殿下西流至殿前蓄為一池由懸厓瀉下西流復蓄一池建亭覆之滿而溢出環邊各僧廚舍至大門西溝出其旁又有石龜平厓獨孤諸泉

卓錫泉 相傳法定禪師開創靈巖苦近庵乏水乃謀于佛圖澄澄曰何地無水至一處曰此下有泉以九環錫杖卓之果得泉甘冽

黃龍泉 在靈巖一名黃龍池

雙鶴泉 在靈巖相傳法定禪師遇樵人指東去不數里雙鶴飛鳴其下涓涓果得一泉

七仙泉 在縣東南六十里又有白石泉衆水相合為青厓上流

武惠泉 在縣五峰山洞真觀之左岡上

琉璃泉 在縣南三十里凡八井不知鑿自何時每井皆以琉璃甃砌其水光澤奪目

野井 在縣東北三十里按春秋齊侯唁公子野井卽此

韓姑井 在縣東南十五里地名池子村山枯無泉居民苦之韓姑毅然募工穿鑿數丈始及泉人咸德之遂呼今名

肥城縣

金牛山 在縣西八里宋真宗曾駐蹕于此命改為鸞慈山高聳蒼翠上有資聖院山半有池相傳龍潛其中歲旱禱雨輒應有洞在山之陽陶山 在縣西三十里連平陰界相傳陶朱公浮海出齊間行隱此世傳陶山前後有七十二洞其最著者有菩薩洞一名快哉洞在山之半蝙蝠洞在菩薩洞之東深遠幽邃西施洞與蝙蝠洞相對高近絕頂

鳳凰山 在縣南四十里漢章帝元和二年鳳凰集此

孝堂山 在縣西北六十里連平陰界上有石室漢孝子郭巨葬母之所

塔山 在縣東六里有石塔因名宋崇寧二年鄉人建玉皇廟于上又名玉皇山

孤山 在縣東十里孤嶺特起山嶺有穴深不可測又名谷山

周山 在縣南二十里有周王墓

虎門山 在縣南四十里形似虎下有虎洞

七佛山 在縣西六十里上有石佛七

瀑布山 在縣南四十里上有天井谷

第〇七八冊 之〇五葉

方輿彙編職方典第一百九十一卷濟南府部

古八圖書集成

柱亭山 在縣南四十里下有柱子石

紫榆山 在縣南二十五里

狼山 在縣西南五十里下有狼山屯

寨山 在縣東北十五里嶺有十寨舊蹟又名

張山寨

石屋山 在城東南二十里山頂有石屋故名

馬頭山 在城南四十里山形似馬故名

丫髻山 在縣南四十里有一尖似髻故名

擔子山 高王山 龍鳳山 龍灣山

九仙山 石白山 白廟山 馬驛山 黑虎

山 吳起山 望高山 獨龍山 考山 迷

山 荆山 雲山 鳳山 以上諸山俱無險

要故略

五道嶺 在城北十五里其嶺凡五道

杏木嶺 在城東南十五里

橫嶺 在城南四十里

孫家嶺

白石崖 青石崖

書堂嶼 櫻桃嶼 冬冬嶼

康王河 在城東池外源出城北山

孤山河 發源孤山經縣東十里

肥河 源出泰安西南經縣南八里隨地得名

衡魚河 經縣西南五十里會開河泉拖車泉

董家泉王家泉吳家泉臧家泉鹹河泉清泉馬

房泉東南流一百四十里入汶河

大清河 在城西北七十里即濟水俗呼鹽河

商販魚鹽舟楫往來不絕

朝泉 在縣東南十里流曰合溝河

龍泉 在縣西南

新開泉 在六房社劉家村流入清泉河接濟

董家等六泉 明弘治年知縣張希達俱立碑

志

陶朱泉 在陶山下山嶺從古不能開浚廢泉

聖井 在城南五十里水月寺前有石井水泉

四時不竭遇秋夏常溢流于外

五龍池 在鸞慈山之陽水清而甘冽相傳龍

潛其中禱雨有應

欽定古今圖書集成方輿彙編職方典

第一百九十二卷目錄

濟南府部彙考四

濟南府山川考三

職方典第一百九十二卷

濟南府部彙考四

濟南府山川考三

府州縣志合載

青城縣

大清河 卽濟水在城北十八里

白龍灣 城西北十八里大清河所匯深不可

測相傳有黑白二龍鬪白龍勝之故名

陵縣

馬頰河 按元和志在德州安德今去本縣東

南三里許環遶而北通于神頭店俗呼爲馬河

蓋德州卽今陵縣安德卽州附郭也

覆瀋河 按通典在德州安德通志云在陵縣

西三里至海豐縣入海今雖堙塞其迹尚存

鬲津河 按史記云在鬲縣今相傳在縣治南

布政分司前卽其故迹弘治間填建今儒學

鉤盤河 按寰宇記云在樂陵東南從德州平

原來今在縣東四十五里謂之盤河店

舊黃河 按通志九河經流故道在縣西四十

五里其自西南經本縣北境東過武定至海豐

入海今割屬德州

篤馬河 按通志在縣西二十五里卽今之土

河割屬德州

德水 按通志在縣東十里今俗呼爲十里河

平原津 按史記正義云德州南有天津焉在

縣西十五里始皇東巡渡此而疾今割屬德州

古衛河 在縣北十里按舊志云衛河遶於西

北

白龍灣 在縣東四十里俗呼爲龍家窪

邊臨浦 按通志在縣北十八里今割屬德州

蓮花池 在縣東北十五里

泰安州

泰山 在州北五里爲東嶽岱宗舜典歲二月

東巡狩至於岱宗是也其山週圍一百六十里

屈曲盤道百餘經南天門東西三天門至絕頂

高四十餘里有碧雲祠東嶽廟封禪壇史記

言古封泰山者有七十二君而不見於經三代

以下則秦始皇漢武帝光武帝唐高宗元宗宋

眞宗皆登封焉

國朝康熙二十三年九月辛卯

皇帝東巡狩撫恤編氓問俗觀風十月壬寅至於岱

宗燔柴致祭如祀五嶽禮

鳳凰山 在嶽頂西南其下曰白雲洞巉巖多

竅天將陰則雲從竅出如縷頃而彌滿山谷矣

象山 在鳳凰山之下

青山 在嶽東南麓漢明堂東北

傲來山 俗名扇子崖在嶽頂西南其石巉

巖蓋在御帳俯視之最奇山之前有竹林寺下

曰大峪卽中路之路峪西有劍匣石有方石如

匣相傳匣有寶劍仙人取去

高里山 在州西南三里俗訛爲嵩里山又名

亭禪山其陰有鬼仙洞竊然幽暗人不敢入

社首山 在高里山之左周成王唐高宗元宗

宋眞宗皆禪此上有社首壇

東神霄山 在嶽頂東十里

西神霄山 在嶽頂西十里

石後山 在嶽頂西十里前多巨石

孤山 在嶽頂北十里崢嶸特起

玉女山 在嶽頂東北十里許有玉女修真石

屋在其下一名黃花洞

蠟燭山 在玉女山北其石獨立如燭

檜山 在嶽北十里如負子狀

鶴山 在嶽北十里林木葱鬱野鶴巢此

三尖山 在嶽頂西十里

鵬窩山 在嶽頂西十五里崖多鵬巢

石馬山 在嶽頂西北十五里

徂徠山 在嶽南七十里嶽之案山詩徂徠之

松是也上有紫源池有玲瓏山獨秀峯天平東

西二寨下有白鶴灣唐李白孔巢父韓準裴政

陶沔張叔明隱此號曰竹溪六逸宋石介因故

址築室著書學者稱徂徠先生

石閭山 在州南四十里漢武帝封泰山禪此

史記曰石闕者在泰山下址南方十多言此
仙人之闕故上親禪焉泰山記云山頂西巖為
仙人石闕與史不合今亦莫詳其處

界石山 在州南五十里宋真宗禪此

亭亭山 在州南五十里史記曰黃帝封泰山
禪此

黃山 在嶽頂西四十里以土色名與青山皆
岳之翼山也

梁父山 在州東南一百十里秦始皇封泰山
禪此漢光武亦禪焉

云云山 在梁父山之東史記無懷氏伏羲神
農炎帝顓頊帝嚳舜湯封泰山皆禪此

龍山 在州西南三十里

布金山 在州西南九十里上有大雲亭

陰佛山 在州東南三十里旁有陰佛院故名

桴耳山 在州東南六十里山形若桴耳然

九女山 在州西南四十里世傳有九女修道
此山

鞍牛山 在州西南三十里

天柱峰 在嶽頂西南仰止亭之後

日觀峰 在嶽頂東五鼓可見海上日出今有
觀海亭

月觀峰 在嶽頂西對日觀而言義取月照庚
方耳訛曰越觀

秦觀峰 在嶽頂西

丈人峰 在嶽頂西南特立如蒼顏丈人

懸石峰 在嶽頂西南

回馬峰 在嶽頂西南
獨秀峰 在嶽陽屹然挺秀古人題刻峰名於
石

獅子峰 在嶽陽以形似名

蓮花峰 在獨秀峯之東五峯巉簇如蓮

懸刀峰 在嶽西南西溪上

芙蓉峰 在西溪上

飛鶴峰 在西溪上

老鴉峰 在嶽頂北木多鴉巢

龍泉峰 在斗母觀東北峰石峭拔

凌漢峰 在普照寺後

君子峰 在嶽頂

孔子厓 在嶽頂西南又名吳觀峰

舍身厓 其北聯屬日觀峰下餘三面厓壁陡
峭數百丈中有石凸起丈許愚民往往舍身投
厓徵輪迴之福明尚書何起鳴

皇清運使喻成龍皆勒禁示

東百丈厓 在嶽頂西南其瀑布下匯為天紳
泉

西百丈厓 與東厓相去三百步其高十倍東
厓而東崖南向西崖則東向

五花厓 在嶽頂南城郭仰視嶽頂不見崖蔽
之也又名周觀峰

鴛鴦厓 在嶽北峭壁巢野鴛

馬棚厓 在嶽陽言崖深嵌可覆馬脊也一日
三字崖上有墨書三畫風雨不磨世傳仙人書
御帳崖 宋真宗駐蹕地也

青嵐嶺 在嶽頂西南
回馬嶺 石磴漸峻乘馬不能上
黃峴嶺 土多黃色勢甚險峻過此一徑坦易
名曰快活三

西橫嶺 在嶽頂西削壁橫互數十丈許

十峰嶺 在玉皇廟右

分水嶺 在嶽頂東漢明堂後楊老園西

升仙嶺 在嶽頂東南漢明堂之東北隅

雙鳳嶺 在嶽陰兩山迴翔如鳳

思鄉嶺 在嶽頂西北

迎風嶺 在嶽頂西北

明月障 在嶽北群峰秀列若屏障然

小龍峪 古名小龍口石硤為衆水所歸飛泉
若龍噴然

大龍峪 古云大龍口

桃花峪 在嶽頂西南二十里桃花洞南今多
植桃花

仙趾峪 一名馬蹄峪在竹林寺山後里許有
仙人草屨跡長尺餘馬跡長五寸許

石經峪 在嶽之陽坦石半畝許上勒八分書
金剛經字大尺許

石壁峪 在嶽之陽鍊削如壁

椒子峪 在嶽之陽相傳曾有異人種椒於此

溪里峪 在嶽之陰巖穴深邃上有湧泉四時
不涸

艾峪 在嶽陰

佛峪 在嶽北有谷山寺

巖巖石 在玉帝觀前明侍郎萬恭刻石曰表秦山之巖

望海石 在仙人橋畔石筍南苗闊尺許三面深重無底

探海石 一峰橫出東指三面無所憑依

大懸石 在嶽頂西

小懸石 亦在頂西與大懸石對

仙橋石 在舍身崖西懸厓相對相去五尺許三石掌柱如梁

試心石 在仙橋石西二石鉤連懸厓萬仞人登踐之即搖動恐怖愚民云惟心誠則無動

懸經石 在石經峪

龍文石 在嶽陽其文如龍

虎阜石 亦在嶽陽其狀似虎

龍口石 兩石相附中噴清泉

牛心石 以形似名

羊關坡石 相傳仙人牧地

方正石 以其形名

胭脂石 在嶽之陰色如塗丹

紅門石 石色紅望之如朱門

摩耳石 在嶽西北

五女園石 在嶽西北相傳夜有呼號用力之聲詰朝石壘成圈云五仙女為之

懶張石屋 在嶽頂北麓相傳有懶張道人修煉於此

鳳凰臺 在嶽之陽

登仙臺 在嶽之陽相傳呂純陽曾登此

南拱臺 在嶽之陰巖巖拱峙上復平坦故以臺名

北拱臺 亦在嶽之陰

讀書臺 在普照寺西北過投書洞山麓有石方四五丈許宋孫明復石守道胡安定讀書之所

瞻魯臺 在舍身厓上

水簾洞 在石經峪之上水自懸巖奔渴望之若簾

朝陽洞 一日雲陽洞

遙觀洞 在嶽南一穴高深游者憩此可覽羣山

呂公洞 一日金母洞在嶽之南麓玉女池側

朗然子洞 在嶽半御帳東里許

桃花洞 在嶽頂唐磨碑石壁下有泉

八仙洞 由丈人峰下山陰迤邐而東洞在北山之巖危若鶻棲

兩峰巖 在嶽頂西兩峰對峙下有一穴如室

仙閣巖 漢書武帝紀曰嶽頂西巖為仙閣巖

蛻仙巖 在嶽陽相傳元翰林王從之腳跌化此元好問送張天倪詩云蛻仙巖上願遲留是也

古雲巖 在同馬嶺

迴車巖 在日觀峰西數十步遊黃花洞發足處也洞路險危明參政呂坤題此以告來者

水仙寨 在嶽頂西可容千人

九女寨 在嶽頂西三尖山下相傳九女避兵

於此 仙人寨 在嶽頂北可容千人

凌漢寨 在嶽陽可容數百人

姜倪寨 在嶽西北自天柱峰至此皆泰山勝槩

試劍石 在徼來山大峪西相傳仙人取石匣寶劍斷劈此石半仆於地今二石文理若中分然

仙影石 在試劍石旁其形有巾有劍伸一足而坐石平如磨崖影處如斜如勒而實非人為相傳取劍劈石者即此也

仙影厓 在徼來山其山皆蒼石惟仙影如白紙

觀音洞 在徼來山陰容數百人中有碾磴凡楊俗呼牛王洞意緣盆子竊據牛劉聲悞耳

天勝寨招軍嶺 在徼來山前赤眉劉盆子曾聚衆於此

雞籠峰 亦在徼來山以形名

堯觀臺 在玉女山頂有石平坦如臺相傳堯封禪登此

蓮花洞 在嶽頂北與黃花洞相連

泮河 源出泰山西桃花峪諸水轉州東南二十里入汶河

梳洗河 源出黃峴嶺諸谷之水匯為中溪經王母池池上有王母梳粧樓故名其水由州東南入泮河

淙河 源出泰山西南諸谷匯為西溪由白龍

池出大峪口南流入泮河

漕河 源出淳于野經州南五十里西南流會

濟河入汶河

汶河 出萊蕪縣原山西南經徂徠山會泮水

南流三十里曰大汶口又西南經汶上縣北達

於漕

王母池 一名瑤池在泰山南麓自黃峴嶺會

石經峪水簾洞諸源匯而爲斯池焉

玉女池 在嶽頂元君祠右

白龍池 在徂徠山下懸崖絕壑殆非人境石

壁平廣二十餘丈池周數尋深不可測山有龍

神祠歲旱禱雨輒應

紫源池 在徂徠上關數丈產九節菖蒲

東溪 源出嶽陽登仙臺下及青山諸水經漢

明堂入梳洗河

竹溪 在州徂徠山下

碧天泉 在嶽頂廣生殿東

碾駝泉 在丈人峰下嶽頂居人皆取給於此

天紳泉 在徂徠山百丈崖下巔崖十丈許懸

流下瀉如垂紳

白鶴泉 在嶽南麓冽而甘清以井泉稱較輕

重亦異

護駕泉 在黃峴嶺御帳之下

聖水泉 在同馬嶺

水簾泉 一在西百丈崖一在巖巖亭右

滌塵泉 在嶽南麓后土廟內遊人多掬水潄目又名眼光泉

飛鸞泉 在王母池右

醴泉 一在天書觀即宋王欽若所奏於真宗

者今雖不竭無異凡水法苑所稱醴泉今失所

在

鐵佛寺泉 在州東二十五里

周家灣泉 在州東南二十五里

曲溝泉 在周家泉東五里

鯉魚灣泉 在州東五十里

北滾泉 在州東五十里

順河泉 在州東六十里

谷家泉 在州東六十里

馬兒溝泉 在州東南三十五里

羊舍泉 在州東南一百一十里

力溝泉 在州東南一百二十里

東西二柳泉 在州東南一百一十里

濁河泉 在州東南一百三十里

水泊泉 在州東南一百二十里

斜溝泉 在州東一百二十里

龍灣泉 在州南二十里

木頭溝泉 在州南二十五里

孔家泉 在州南三十里

龍堂泉 在州南七十里

顏魯泉 在州南七十里

侯村泉 俱在州南七十里

張家泉 在州西南五里

狗跑泉 在州西南六十里

報恩泉

陷灣泉 俱在州西南六十里按通志自鐵佛

寺以下諸泉多由平地土石中湧出四時不竭

俱入汶河以達運河

皂泥溝泉 在州東北五十里

范家灣泉 在州東五十里

雲潭泉 在州東四十五里

鳳凰泉 在州東四十里

板橋灣泉 在州東六十里

會泉 在順河泉西北

井泉 在會泉西北

韓家莊泉 在州東南一百二十里

石縫泉 在州東南一百二十里

謝過泉 在州東北十五里

梁子溝泉 在州東南二十五里

風雨泉 在州東南三十里

吳山溝泉 在州南四十七里

滄浪溝泉 在州南五十里

梁家莊泉 在州南三十里

上泉 在州南五十里

靈應泉 在州南五十里

泉泉 在州西南五十里

水磨泉 在州西南六十里

噴金泉 在州西南六十里

馬黃溝泉 在州西南九十里

龍王泉 在州南一百二十里

坤溫泉 在州西南一百二十里

興龍泉 在州南二十里

廣生泉 在州西北四里

香井 在嶽南古嶽廟前伍緝之從征紀曰泰山廟前有大井水極香冷異於凡水朱日藩詩曰廟前香井識投錢蓋謂此也

天井泉 在嶽東北十里許廣教誼諸嶺之水由東轉南入於汶河又名天井溝嶽西南亦有天井溝

投書洞 在凌雲峰下以胡安定投家書於此

忽雷灣 在西溪天將雨每聞雷聲迅發於此

鍾鼓灣 在大峪西溪俗傳中元日有聲如鍾鼓因以名焉

新泰縣

新甫山 在縣西北四十里連萊蕪縣界詩曰新甫之柏是也高峰插天盤結百餘里蒼翠若畫屏泰山之左翼也舊名小泰山上有雲衡岫下有毳杖壑西有水寨溪五雲洞西北有千人洞深遠不可測峰前有雲孤寺漢武帝封禪於此見仙人跡建離宮於上遂改名宮山築望仙臺有石輶輶架宿存宋常會記云武帝易小泰山為宮山封三峰為義山其義山之北曰黃嶺下有洞極深今土人呼曰蓮花山

驢書山 在縣北五里相傳昔有異人驢書於此今土人呼曰金斗山新泰之鎮山也

具山 在縣東鄙四峰特起色若潑靛西連嶺山左傳魯獻公名具因廢具山之祀即此

格山 在縣東南十里左傳魯武公名敖因廢祀宋宣和間雨暘不時父老祈求響應二年勅

賜廟額曰孚澤封澤靈侯今建三元廟於上土人謂之青雲山與泰岱靈巖五峰蓮花稱五山云禱祀最盛

龍堂山 在縣東北四十里

法雲山 在縣西南四十里上有正覺寺相傳有異僧說法而雲生林壑茂美不雨常潤

牛心山 在縣東四十五里

兩限山 在齊魯界上縣西四十里

五峰山 在縣東北十五里五峯秀出其麓有水曰寶泉泉東有寶泉寺北有山高險名青龍峒與長清五峰名同地異

峙山 在縣西南二十里山石上有羊蹄跡相傳龍女牧羊於此柳毅為之傳書洞庭遂成姻

鱗土人立祠於上前有池鱗雨輒應

龜山 在縣西南五十里其形肖龜詩奄有龜蒙孔子去魯作龜山操曰予欲望魯兮龜山蔽之手無斧柯奈龜山何

孤山 在縣東北三十里山形獨立有雲秀庵迤東南有平埠山上有雷公壇

榆山 在縣東北十里南麓有大埠嶺

杏山 在縣西北五里

橫山 在縣西南四十里南有雷山兩山荆山鹿角山 在縣南二十里

鷹崖山 在縣東三十里

關山 在縣南四十里蒙山之西麓也

太公山 在縣東北三十里西有太公村相傳姜太公會居此

寨山 在縣東三十里許宋元兵燹之際民避兵於此猶有城跡

黃寨山 在縣南二十五里

聖水山 在縣東二十五里

雌山 在縣西北七十里

黃山 在縣東三十五里

丹山 在縣東十八里

梁父山 在縣西四十里

小汶河 源出龍堂山會縣南北諸水西流入汶河

東河

源出孤山經縣東郭西南流三十里入小汶河

泥河

源出寨山經縣北四十里西南流入小汶河

廣平河

源出宮山之陽經縣西北三十里西南流入小汶河

廣明河

源出關山北流入汶

蘇莊河

源出新甫山南入汶

羊流河

源出新甫山右入汶

龍池河

龍堂山下兩崖如削壁立數仞闊三丈互二十里許源發惡溝上口為大龍池水勢湍急石峽陡峻噴激如珠吼聲如雷繞百餘步有石突起如龍門中有大淵深不可測為小龍池相傳有龍潛此土人以茶取魚雷電交作電灼若龍飛魚者盡仆始名龍池明末土人姚典取魚以火燒石滾入雲烟陡起雨大滂沱龍騰而去典數日斃池遂塞至

皇清順治六年復如故

徽泉 源出鷹崖山其陽有微泉庵

清泉 在縣上四莊大石上三孔水如連珠

寶泉 在縣東北二十五里水澄清如鏡

魏家泉 在縣東北三十里

太公泉 在縣東北三十里

路路泉 在縣東北四十里

北陳泉 在縣東南十里

南陳泉 在縣東南十五里

名公泉 在縣南三里

張家溝泉 在縣南十里

玉泉 在縣南十五里水色如玉

西都泉 在縣南二十里

柳溝泉 在縣南二十里

大峪泉 在縣南二十里

孫村泉 在縣西南十五里

古河泉 在縣西南二十里珠光迸出雨氣遙飛最為清勝

名灣泉 在縣西南四十里

釣魚臺泉 在縣西南五十里

靈查泉 在縣西南七十里

南師泉 在縣西北十五里

金溝泉 在縣西北二十里

周家泉 在縣西北三十里

西周泉 在縣西八里

里橋泉 在縣西二十里

構溝泉 在縣西三十里

紅河泉 在縣西五十里

和莊泉 在縣西五十里以上諸泉俱入小汶河

龔家莊泉 在縣西南八里

劉杜泉 在縣西南四十里

嘯泉 在縣南三里

新西周泉 在縣西北十五里

黃水灣泉 在縣西南四十里

高峪泉 在縣北三十里僅一絃天旱即涸

萊蕪縣

鎮山 在縣西北三里泰山在右魯山在左大舟山屏其後宮山列于前汶水匯而朝焉相傳大比年或山氣蒸冲旋結有城市樓臺之狀則獲雉者衆其下有伏龍洞

陰涼山 在縣北三十里舊名銅冶山

望夫山 在縣東北三十里巔有石如人洞壑玲瓏居民避寇者多得全活云其陰有鷹窩崖馬鞍山 在縣北六十里雙峰連峙狀如馬鞍

苗山 在縣東北五十五里狀如疊嶂巒巖可觀山高峪深多產藥材

原山 在縣東北七十里東界益都高聳出羣山之上峰頂有夏禹祠一名岳陽山尚書禹貢浮於汶注云汶水出萊蕪縣原山之陽西南而入濟瀋水出原山之陰東北而入海齊乘曰地志云原山瀋水所出跨瀋川益都兩縣界按瀋川之命名以此自顏神鎮割入益都原山遂不接瀋川界矣

大突山 在縣東二十五里山勢突然屹立

鵬山 在縣東二十五里相傳有大鵬集此

黃山 俗名黃羊山在縣東三十里舊傳有黃姓者牧羊於此後仙去其陰中深窻莫測外若龜形石壁綠色秋冬不變

大屋山 在縣東二十五里山形如屋通志謂司馬河源出大屋山即此又謂即大室山

暮山 在縣東五十里舊傳仙人奕此碁局尚存山麓有洞真觀

三尖山 在縣東南二十五里山有三峰形如筆架又名筆架山

九嶺山 在縣東南三十五里一山九嶺嶺巔秀出

大石山 在縣東南十三里產鐵及煤炭

仙人山 在縣南二十里舊志安期生修煉於此上有仙人堂傍有仙人觀有蝙蝠洞

鳳凰山 與仙人山接狀如翔鳳山頂平闊四圍巉峭又名鳳凰寨山陽有安期洞一名朝陽洞與鎮山伏龍洞相通每旱久雨洞雲連即南山徑絕陡松檜及香草叢生層崖間有天然石屋相傳吳道姑尸解於此遺蛻尚存

龜兕山 縣西南三十里舊稱聚勝寨亦名龜山

肅然山 在縣西北五十里泰山之東麓也史記漢武帝元封元年四月乙卯封泰山明日下陰道丙辰禪泰山下趾東北肅然山如祭后土禮即此今訛為宿巖山

此為試讀 需要完整PDF請訪問: www.erlongbook.com